

南方政府公報

第一輯


南方政府公報

第一輯

中華民國八年 八月二十日 星期三 修字第九十九號

軍政府公報

軍政府總務廳印鑄科發行



命令

代行國務院職權攝行大總統職務中華民國軍政府指令第八七號

陸軍部長莫榮新

陳核警衛軍統領黃如雲請將黃國相黃勝二員照原官加級獎叙以未能証實應毋庸置議由
陳悉准如所議辦理此令



中華民國八年八月十三日

代行國務院職權攝行大總統職務中華民國軍政府指令第八八號

令代理部務內政部次長曾適

陳核廣東營軍請獎軍械總局出力人員分別以文職任用由
陳悉蔣澤准以縣知事免試留學任用餘如議辦理此令



中華民國八年八月十三日

代行國務院職權攝行大總統職務中華民國軍政府指令第八九號

令陸軍部長莫榮新

陳核兼警衛司令陳坤培請將所部護法出力人員甘尙賢等分別獎叙由陳悉甘尙賢盧焱山朱超王一歐等四員已分別獎叙有令明發肅通一員既另案補官毋庸置議餘均照所擬辦理此令

軍政府印

中華民國八年八月十四日

代行國務院職權攝行大總統職務中華民國軍政府指令第九十號

令代理部務內政部長冷逾

陳核援閩浙軍總司令請保所部立功人員分別以文職任用由陳悉黃真民等十二員均准以薦任文職任用餘悉照所擬辦理此令

軍政府印

軍政府令

調任梁士模爲政務會議秘書此令



中華民國八年八月十四日

軍政府令

任令張大義署交通部次長此令



中華民國八年八月十四日

内
白

(八)

缺九

湘西地方參事會瞿松生等以宋方衝突早經解釋張學濟復招匪軍開赴靖綏欲圖搗亂懇電譚督飭令撤退以維地方電

十萬急廣州軍政府各總裁參眾兩院湘議員團雲南唐總裁貴陽劉督軍上海唐總代表湖南善後協會天津熊秉三先生武岡送永州局轉譚督軍蕭鎮守使各司令郴州趙總司令林繼隊長林應長各司令各旅團長淑浦周總司令辰州盧旅長田振林各總司令胡副司令辰韶蕭總司令陳司令洪江蔡副使鳳凰廳田代鎮守使并轉臨陽陳司令乾城姚團長永綏陶查辦使九郵君鈞鑒前者宋方衝突蒙軍府暨譚督軍軫念民瘼派陶澄孝來綏查辦幸陶公應付有方不使兵矢先而胡副司令彼此進退秩序如常宋鎮回城駐留原防并將宋方意見解釋勿再輕開端雙方均已允服方與消弭兵戈從此得親天日乃張學濟野心未戢又復令招匪軍紛紛開赴保靖永綏等處揚言攻城擊陶并假臨時議會名義通電窺其用意非大肆殺戮不足以快其狼心湘西未遭兵燹黔湘各屬四民安樂而我展綏自張學濟回後先有林謝之戰繼有謝鍾姚協之爭復有宋方之事其他如甘清幾朱雲步向澤南等之亂不勝枚舉徒荷滿地民業俱廢稍有天良者莫不心痛茲張學濟否認陶公復欲搗亂冥頑不靈至斯已極特此迫切呼籲泣懇軍府譚督帥迅飭張道即將培綏匪軍撤歸辰州嚴加約束如張敢冒不韙肆行無忌應請周總司令就近派軍前往鎮攝以維地方大局幸甚湘西幸甚湘西地方參事會參事瞿松生余樹棟姚春霖徐壽銘暨永龍公民代表張家修崔毓麟李瑞釗童庫培等同叩卅印(七月二十日)

譚督軍延閣改派石陶鈞爲湘軍代表出席政務會議電

廣州軍政府政務會議鈞鑒頃接劉君彥電稱湘省政務會議代表陳君強前此赴滬暫託代理出席不係一時權宜請另派人接任等語查陳君既未回粵劉君復難久攝擬改派陸軍少將石君陶鈞爲湘軍代表出席政務會議以專責任謹此電陳延閣敬印(八月五日)

湖北商業各國聯合會望雙方各循正軌促進和平勿爲他人

操縱電

廣州軍政府鈞鑒國內和議南北當局既已覺悟而積久不能解決第三者出任調停可也操縱不可也蓋操縱者藉和議謀地盤或個人謀位置言之殊爲痛心此次南北爭點不外法律問題夫法律問題即國會是也須知新舊國會之存廢應循法律統系之正軌不得以一部分之奸惡牽及大局滬之團體所發文電立言正當者固多主張過激者亦復不少自命仲裁跡近攻訐同人以期以爲不可務望南北當局各循正軌不爲浮言所動主張正義不使根本動搖庶大局無擾亂之虞苟莫之歎伏希鑒察湖北商業各國聯合會叩齊印(八月八日)

湖南各界聯合會以安福派煽惑疆吏勒辦選舉出賣紗廠乞

主張公道通電阻止電

廣州軍政府各總裁各部長參眾兩院北京徐菊人大總統蔣代總理天津黎黃陂先生熊秉三先生各

省教育會商會農會學生聯合會各界聯合會各報館各團體上海全國學生聯合會唐總代表各省分代表湖南善後協會湘事維持會孫中山章太炎蔡子民諸先生郝州譚警軍林長趙師長林縱隊長宋慶雲三旅長衡州呂師長常德馮旅長辰州周林田各司令均鑒安福派賣國禍民自青島問題發生舉國號呼力救危亡現雖拒簽德約漏舟風雨外交更難安福派苟有心肝早當歛迹乃密派黨羽煽惑疆吏湘省上年非法選舉省議會已奉部令停辦不料死灰復燃昨七月內又有初選復選之事各團體以和議既未續開湘省尙非統一非法選舉抵死不能承認且各省正偵提倡工藝國課之時吾湘僅有紡紗一廠尙須拓張規模挽回利權乃二三奸人盡思長官將職出賣希圖分肥人民遑急各界開會議決上呈極力請並公舉湯松陳朔方等數人面謁省長代表與情稟許次日正式文告逐條答覆詎至數日竟有安福系之蠢賊希制黨之餘孽曾廣鈞符定一辜天保黃中李藩西彭佛同袁家元等數人假教育會開僞公民會並請北兵團長張繼忠同時帶兵進會屠刀指如臨大敵百出辜黃登台痛詆各團體均係暴徒非真正民意選舉非辦不可紡紗廠富然出賣聲稱立請督軍解散各團體逮捕湯松等暴烈情形格墨難宣比時學生聯合會長彭璜代表邱維勤等冒死登台演說即被辜黃等各衛兵將彭邱兩人捕縛令跪台下冀以威嚇手段禁止學生發言一時裝槍聲叱咤聲會中秩序幾於大亂學生彭璜等願拚一死始終不爲所屈張繼忠知非武力可以解決轉以緩詞囑歸舍糊了事次日大公報館因登載各公團反對非法選舉之宣言書被拘其主筆趙爾雲亦被拘收押郵電各局派兵守衛嚴密檢查兼緝四出如處境中越日省長刊有佈告謂選舉暫時緩辦並派大員赴京報告經過情形而紡紗

廠除成交之一萬餘磅馬力機器出賣外餘由湘商籌款一百四十餘萬收歸商買惟慶父不去魯難未
已報館仍封主筆未釋今更將各項出版物一律禁止險象環生選舉事又有復活之說敢乞國人主張
公道通電阻止此後湘中各團體人七雖□□□亦所不惜臨電哀鳴無任盼切湖南各界聯合會叩
印

政務會議致譚督軍延闔據湘西地方參事會瞿松生等電稱
張學濟招募匪軍開赴靖綏欲圖搗亂懇飭令撤退等語希
查明核辦電

郴州譚督軍鑒頃據湘西地方參事會瞿松生等卅電稱宋方衝突事經陶澄孝解釋後秩序已復乃張
學濟又招匪軍紛紛開赴保靖永綏等處否認陶公復欲搗亂泣懇飭張將綏靖匪軍撤退以維地方等
語除原電已分達不叙外希即查明核辦見復爲盼政務會議真印（八月十一日）

政務會議復黎聯軍總司令天才已電北廷催令代表南來廣
續開議電

麥州黎聯軍總司令鑒接電悉遷延利局居心叵測尊論極佩已電北廷催令代表南來廣續開議矣特
復政務會議鑒印（八月十四日）

政務會議復譚督軍延闕改派石陶鈞爲代表出席政務會議 至表歡迎電

郴州譚督軍鑒電悉改派石君陶鈞爲代表出席政務會議至表歡迎除函請出席外特此電復政務會議鑒印(八月十四日)

岑伍兩總裁致龔心湛商派王正廷伍朝樞顧維鈞三人爲國際聯盟會委員電

北京龔仙舟先生鑒奧約簽字在即我國既決定簽字隨即加入國際聯盟會關係極爲重大自應作一致之主張以堅國際上之地位惟是該會委員責任綦重急宜慎選賢能藉收折衝之效環顧外交人才克勝斯職者莫如王正廷伍朝樞顧維鈞三人派爲國際聯盟會委員當不致負國民之委託如荷同意希即電復爲盼岑春煊伍廷芳鑒印(八月十四日)

政務會議復湖北商業各團聯合會主張正義促進和平尙希 將此意旨忠告北方俾和議得以早成電

漢口湖北商業各團聯合會鑒電悉主張正義促進和平實符素衷惟迭電北方僅令代表爾來開議至今尙無確實答復外交緊急前途堪憂諸君愛國熱誠至所欽佩尙希持此意旨忠告北方俾和議得以早日觀成爲盼政務會議鈐印(八月十六日)

政務會議復湖南各界聯合會已電北京飭張敬堯毋得包辦

選舉拍賣機器并電鄂督嚴諭李紫雲勿與交易電

郴州湖南各界聯合會暨來電悉已電北京電飭張敬堯毋得包辦選舉拍賣機器並電鄂督嚴諭李紫雲勿與交易矣此復政務會議鈐印(八月十六日)

政務會議致李代表述膺請獎曹世英等各員經陸軍部核准
希轉知于督軍迅飭各該員補繳履歷及授勳調查表電

上海法界葛羅路四十號李龍門先生鑒前接馬電請獎叙曹世英等各員咨陸軍部核議去後茲准咨復內開請授曹世英等將校各職郭俊傑王珏二員並請從優特給三等文虎章惟各該員履歷及授勳調查表應不俟補繳到部始行明令發表統希裁奪等因合亟電聞即希轉知于督軍張會辦迅速補繳爲盼政務會議鈐印(八月十六日)

謝代司法部長賀四川省議會正副議長電

四川省議會李議長郭熊兩副議長均鑒巧電祇悉公等乃吾蜀英才選膺議長從茲實行法治伸張民權冀樹模範於錦江永作西南之砥柱下風遜聽引領欽遵謹申賀忱并頌議祉司法部謝持叩元印吳山代行(八月十三日)

銀十六

(十六)

公文

陸軍部陳請授曹世英等將校各職并郭俊傑王珏二員從優

特給三等文虎章文

爲咨陳事案承咨交內開現據李代表述唐島電開頃接三原于總司令張副司令電文曰軍政府諸總裁鈞鑒陝西軍與血戰經年賴各將士奮不顧身始終支持至今亟宜特頒獎典以勵士心查陝軍三四路司令曹世英岳維峻擬請授爲陸軍少將並加中將銜六路司令盧占魁擬請授爲陸軍少將五路司令高峻擬請授爲上校並加少將銜三路支隊長王崇瑞楊忠四路副司令田其華四路支隊長馮毓東鄧贊珊蔣世傑康振邦五路支隊長趙樹勛日尙絳六路支隊長張威武軍功及守乾縣之支隊長郭俊傑王珏均擬請授爲陸軍上校如蒙俯允請卽日明令發布其他出力各員俟後續陝縣縣尉尚未解紅崖渡關山與市敵仍增兵特問于右任張鈞叩等語謹轉奉聞此次北方秦和唐陝而我軍尚未全覆者皆惟諸將之力是賴乾縣守將郭王二君尤堪嘉賞昨在于總司令電稱接二將品書謂卽令敗至無一人一卒亦必將靖國軍旗樹到底如郭方剛有投奉之事則當卽日與彼脫離關係云云外報雖喧傳乾縣已歸許陳實則千創百孔之乾城二將迄今日尙爲我死守似此守義不屈今世有幾切謂郭王二將尤宜特獎以勵士卒特貢數語等因前來查經本會議議決咨陸軍部核議相應咨請貴部查核辦理見覆施行等因承准此查各該員於護法軍興血戰經年毅力支持助勞卓著亟應准予獎叙以酬殊庸擬